

ხელშეკრულება სახელმწიფო შესყიდვის შესახებ №77

(საქონლის შესყიდვა)

ქალაქ ფოთის მუნიციპალიტეტი

25 მაისი 2016 წელი

1. ხელშეკრულების მხარეები და შესყიდვის სამართლებრივი საფუძვლები

1.1. ერთი მხრივ, ქალაქ ფოთის მუნიციპალიტეტი (შემდგომში „შემსყიდველი“), წარმოდგენილი ქალაქ ფოთის მუნიციპალიტეტის მერის ირაკლი კაკულიას სახით და მეორეს მხრივ, შპს „ნ“, მისი დირექტორის გოგი ახალაიას სახით, შემდგომში „მიმწოდებელი“ - „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ვ“ ქვეპუნქტის, სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანების „გამარტივებული შესყიდვის კრიტერიუმის განსაზღვრისა და გამარტივებული შესყიდვის ჩატარების წესის“ მე-3 მუხლის პირველი პუნქტის „ვ“ ქვეპუნქტის და ქალაქ ფოთის მუნიციპალიტეტის მერის 2016 წლის 25 მაისის №409 ბრძანების შესაბამისად, მხარეებს შორის მიღწეული შეთანხმების გათვალისწინებით, დებენ სახელმწიფო შესყიდვების შესახებ ხელშეკრულებას (შემდგომში „ხელშეკრულება“).

2. ხელშეკრულების ობიექტის დასახელება, კლასიფიკატორის კატეგორია, ქვეკატეგორია

- 2.1 ობიექტის დასახელება – საჩუქრების (სუვენირები) შესყიდვა იხ.დანართი №1)
- 2.2 შესყიდვის საშუალება – გამარტივებული შესყიდვა;
- 2.3 კლასიფიკატორის (CPV) კოდი და კლასიფიკატორის დანაყოფი - 18500000 – სამკაულები, საათები და მონათესავე ნივთები.
კლასიფიკატორის (CPV) კოდი და შესყიდვის კონკრეტული ობიექტი - 18530000 – საჩუქრები და ჯილდოები.

3. ხელშეკრულების ღირებულება

- 3.1 შესყიდვის ობიექტის ღირებულება შეადგენს 720 (შვიდასოცი) ლარს, საქართველოში მოქმედი კანონმდებლობით გათვალისწინებული გადასახადების ჩათვლით.
- 3.2 დაფინანსების წყარო - ქალაქ ფოთის მუნიციპალიტეტის 2016 წლის ადგილობრივი ბიუჯეტის სახსრები.

4. შესყიდვის ობიექტის მიწოდების ვადები და პირობები

- 4.1 შესყიდვის ობიექტის მიწოდება განხორციელდება ხელშეკრულების გაფორმებიდან 2016 წლის 1 ივნისის ჩათვლით.
- 4.2 შესყიდვის ობიექტის მიწოდების პარალელურად, მიმწოდებელი ვალდებულია წარუდგინოს შემსყიდველის უფლებამოსილ პირს, შესაბამისი დოკუმენტაცია (მიღება-ჩაბარების აქტი, სასაქონლო ზედნადები და სხვა).

5. ხელშეკრულების შესრულების გარანტია

5.1 შესყიდვის ობიექტის ხარისხი უნდა აკმაყოფილებდეს ამ სფეროში არსებულ, საქართველოში მოქმედ სტანდარტებს, ხელშეკრულების პირობებს და შემსყიდველის მიერ განსაზღვრულ მოთხოვნებს.

6. ხელშეკრულების კონკრეტული მოქმედების ვადა

6.1 ხელშეკრულების კონკრეტული მოქმედების ვადა განისაზღვრება, ხელშეკრულების ხელის მოწერის დღიდან და მოქმედებს 2016 წლის 29 ივლისის ჩათვლით.

7. შესყიდვის ობიექტის ანგარიშსწორების ფორმა და მიღება-ჩაბარების წესი

- 7.1 შესყიდვის ობიექტის მიღება ფორმდება მიღება-ჩაბარების აქტის საფუძველზე მიღება-ჩაბარების აქტს ხელს აწერს ქალაქ ფოთის მუნიციპალიტეტის მერი.
- 7.2 მიმწოდებელთან ანგარიშსწორება განხორციელდება - ლარებში.
- 7.3 შესყიდვის ობიექტის მიწოდების ღირებულების ანაზღაურება მოხდება უნაღდო ანგარიშსწორებით - (გადარიცხვა).
- 7.4 ანგარიშსწორება შემსყიდველის მიერ მოხდება მოწოდებული საქონლის მიღება-ჩაბარების აქტის გაფორმებიდან არაუმეტეს 20 (ოცი) საბანკო დღის განმავლობაში.

8. ფორს-მაჟორი

- 8.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ადგილობრივი ბიუჯეტის დეფიციტი, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.
- 8.2 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების კონტროლი

- 10.1 შემსყიდველ ორგანიზაციას უფლება აქვს ხელშეკრულების პირობების შესრულების კონტროლი დაავალოს თანამშრომელს ან თანამშრომელთა ჯგუფს.
- 10.2 ამ მუხლის პირველი პუნქტით გათვალისწინებული პირების ფუნქციაა მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა.
- 10.3 ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე. ხელშეკრულების შესრულების კონტროლს შემსყიდველის მხრიდან განხორციელებს ქალაქ ფოთის მუნიციპალიტეტის მერიის ადმინისტრაციული სამსახური.

11. სხვა პირობები

- 11.1 ხელშეკრულება შედგენილია ქართულ ენაზე, 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან ერთი – მიმწოდებელთან, ორი - შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 11.2 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.
- 11.3 აღნიშნული ხელშეკრულებით გათვალისწინებული საკითხები რეგულირდება მოქმედი კანონმდებლობით.

12. მხარეთა იურიდიული მისამართები და რეკვიზიტები:

„შემსყიდველი“

ქალაქ ფოთის მუნიციპალიტეტი

მის: ქ. ფოთი, დ. აღმაშენებლის ქ. №12

ს/კ № 215138143

ქალაქ ფოთის მუნიციპალიტეტის მერი

ირაკლი კაკულია



„მიმწოდებელი“

შპს „ნ“

მის: ქ. ფოთი, ფარნავაზ მეფის ქ. №3
სს „საქართველოს ბანკი“ ფოთის ფილიალი

ა/ა GE34BG0000100898391500 ბ/კ BAGAGE22

ს/კ 415093151

დირექტორი

გოგი ახალაია



საჩუქრების (სუვენირები) შესყიდვა
ფასების ცხრილი

№	საქონლის დასახელება	საქონლის რაოდენობა და განზომილება	ერთეულის ფასი ლარებში	საერთო ღირებულება ლარებში	მიწოდების ადგილი
1	სუვენირი	1 ცალი	75.00	75.00	ქალაქ ფოთის მუნიციპალიტეტი
2	სუვენირი	4 ცალი	90.00	360.00	
3	სუვენირი	1 ცალი	120.00	120.00	
4	სუვენირი	1 ცალი	165.00	165.00	
	ჯამი:			720 ლარი	

„შემსყიდველი“

ქალაქ ფოთის მუნიციპალიტეტი

ქალაქ ფოთის მუნიციპალიტეტის მერი
ირაკლი კაკულია



„მიმწოდებელი“

შპს „ნ“

დირექტორი
გოგი ახალაია



დამოწმებულია

ქალაქ ფოთის მუნიციპალიტეტის მერის
ადმინისტრაციული სამსახურის უფროსი

ზვიად შუბითიძე





23

ს ა ქ ა რ თ ვ ე ლ ო
ქალაქ ფოთის მუნიციპალიტეტის მერის
ბ რ ძ ა ნ ე ბ ა №409



ქ. ფოთი

„25“ მაისი 2016 წ.

ღვაწლმოსილი პედაგოგების დაჯილდოებასთან დაკავშირებით, გასატარებელი ღონისძიებების შესახებ

ქალაქ ფოთის მუნიციპალიტეტის წინაშე განსაკუთრებული ღვაწლისა და დამსახურებისათვის საპატიო მოქალაქის წოდება მიენიჭა ფოთის მოქალაქეებს, მათ შორის არიან ღვაწლმოსილი პედაგოგები. ქალაქ ფოთის მუნიციპალიტეტი 1 ივნისს ბავშვთა დღისადმი მიძღვნილ ღონისძიებაზე გეგმავს ღვაწლმოსილი პედაგოგების დაჯილდოებას ფასიანი საჩუქრებით.

„საქართველოს საბიუჯეტო კლასიფიკაციის დამტკიცების თაობაზე“ საქართველოს ფინანსთა მინისტრის 2010 წლის 25 აგვისტოს N672 ბრძანების შესაბამისად, წარმომადგენლობითი ხარჯები გულისხმობს, საქართველოს მოქალაქეებზე გაწეულ წარმომადგენლობით ხარჯებს სუვენირების შექმნა/დამზადებას, სხვა დანარჩენ წარმომადგენლობით ხარჯებს.

ზემოხსენებული ღონისძიების ორგანიზებასთან დაკავშირებით, მიზანშეწონილია ქალაქ ფოთის მუნიციპალიტეტის 2016 წლის ადგილობრივი ბიუჯეტის, ქალაქ ფოთის მუნიციპალიტეტის მერიის წარმომადგენლობითი ხარჯის მუხლიდან, გამოიყოს თანხა 720,00 (შვიდასოცი) ლარი, საჩუქრების შესაძენად.

„სახელმწიფო შესყიდვების შესახებ“ საქართველოს კანონის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-3 მუხლის მე-2 პუნქტის „ვ“ ქვეპუნქტის შესაბამისად,

ვ ბ რ ძ ა ნ ე ბ ა:

1. ქალაქ ფოთის მუნიციპალიტეტის 2016 წლის ადგილობრივი ბიუჯეტის, ქალაქ ფოთის მუნიციპალიტეტის მერიის წარმომადგენლობითი ხარჯის მუხლიდან, გამოიყოს თანხა 720,00 (შვიდასოცი) ლარი, საჩუქრების შესაძენად.
2. ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურის შესყიდვების განყოფილებამ აღნიშნული ბრძანების პირველ პუნქტში მითითებული საქონლის გამარტივებული შესყიდვის საშუალებით შესყიდვასთან დაკავშირებით, მოამზადოს სახელმწიფო შესყიდვების შესახებ ხელშეკრულება და გაატაროს სათანადო ღონისძიებები.
3. ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურის საბუღალტრო განყოფილებამ, აღნიშნული საქონლის შესყიდვასთან დაკავშირებით, ქალაქ ფოთის მუნიციპალიტეტის საკრებულოს მიერ წარმოდგენილი მიღება - ჩაბარების აქტისა და სათანადო დოკუმენტაციის შესაბამისად, მოამზადოს საბუღალტრო დოკუმენტაცია შემდგომში თანხის გადასარიცხად.

4. ქალაქ ფოთის მუნიციპალიტეტის მერიის საფინანსო - საბიუჯეტო, ეკონომიკური განვითარებისა და ქონების სამსახურმა უზრუნველყოს ანგარიშსწორება ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურის მიერ წარმოდგენილი საბუღალტრო დოკუმენტაციის შესაბამისად.

5. ბრძანება ძალაშია ხელმოწერისთანავე.

ქალაქ ფოთის მუნიციპალიტეტის მერი



ირაკლი კაკულია

საფუძველი: „საქართველოს საბიუჯეტო კლასიფიკაციის დამტკიცების თაობაზე“ საქართველოს ფინანსთა მინისტრის 2010 წლის აგვისტოს N672 ბრძანება და „სახელმწიფო შესყიდვების შესახებ“ საქართველოს კანონი. ქალაქ ფოთის მუნიციპალიტეტის ადმინისტრაციული სამსახურის 2016 წლის 17 მაისის Nშ/314 მოხსენებითი ბარათი.

ბრძანება ეგზავნება: საქმის წარმოების განყოფილებას, ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურს (ორი ეგზემპლარი), ქალაქ ფოთის მუნიციპალიტეტის მერიის საფინანსო - საბიუჯეტო, ეკონომიკური განვითარებისა და ქონების სამსახურს.

შემსრულებელი
შემსრულებელი ქალაქ ფოთის მუნიციპალიტეტის
მერიის შესყიდვებისა და საბუღალტრო სამსახური